



Møteprotokoll for Kommunestyret

Møtedato: 09.09.2015

Møtestad: Kommunestyresalen

Møtetid: 17:00 - 19:25

Møtet vart styrt av ordførar Nils Marton Aadland.

Medlemmene var innkalla i skriv dat. 01.09.15 og møtet var kunngjort i pressa 17.06.15.

Kommunestyret hadde pause frå kl. 19:05-19:10.

Møtedeltakarar	Parti	Rolle
Nils Marton Aadland	H	Ordførar
Lars L Barstad	V	Varaordførar
Anne Grete Eide	AP	Medlem
Rolf Hansen	AP	Medlem
Øyvind Oddekalv	AP	Medlem
Tormod Skurtveit	AP	Medlem
Henriette Fennelly	FrP	Medlem
Elna H Bjørndal	H	Medlem
Øystein Berland Blom	H	Medlem
Jorunn Signe Brakstad	H	Medlem
Ragnar Bratland	H	Medlem
Mabel Johansen	H	Medlem
Marit Samnøy Jøssang	KRF	Medlem
Erling Rønnestad	KRF	Medlem
Kåre Skibenes	KRF	Medlem
Leif Johnsen	MDG	Medlem
Morten Sakstad	SAM	Medlem
Åshild Aamli	SAM	Medlem
Astrid Anne Fjeldstad	SP	Medlem
Per Kristian Holmetun	SP	Medlem
Sølvi Norunn Knudsen	SP	Medlem
Magne Rifsgård	SP	Medlem
Øystein Vikebø	AP	Varamedlem
Ture Andersen	Uavh	Varamedlem
Tore Brakstad	FrP	Varamedlem

Forfall meldt frå følgjande medl.	Parti
Asbjørn Larsen	AP
Atle Håtuft	FrP
Sigmund Larsen	FrP
Silje Ingelin Sæterstøl	V
Ørjan Kristiansen	FrP

Desse møtte frå administrasjonen: Rådmann Ingvild Hjelmtveit, personal og organisasjonssjef Kari Anne Iversen, sektorsjef teknisk Anny Bastesen, skulefagleg rådgjevar Reidun Johannessen og økonomisjef Per Inge Olsen.

Protokollfører: Randi Hilland

11. oktober 2015

Nils Marton Aadland
ordfører

Randi Hilland
Konsulent

Lars Barstad
varaordfører

Sakliste

Saknr	Tittel
60/2015	Godkjenning av innkalling og sakliste
61/2015	Godkjenning av møtebok
62/2015	Referatsaker
63/2015	Orientering om status kommunestruktur
64/2015	Evaluering av Utval for levekår, Utval for drift og utvikling og Fellesrådet
65/2015	Justering av satsane i arbeidsvilkår for folkevalde
66/2015	Tilstandsrapport skuleåret 2014-15
67/2015	Godkjenning av revidert tenesteavtale 8 - (svangerskap- og fødselsomsorg) med Helse Bergen
68/2015	Framlegg til endringar i takseringsreglar i samband med eigedomsskatt på verk og bruk
69/2015	Mogeleg samarbeidsmodell for framtidens brann og redningsteneste i bergensregionen
70/2015	Regional plan for vassregion Hordaland 2016-2021 2.gongs høyring.
71/2015	Utbygging Sagstad skule og Grasdal skule
72/2015	Erstatningskrav
73/2015	Interpellasjon - Nei til auka bruk av midlertidige tilsette

60/2015: Godkjenning av innkalling og sakliste

Rådmannen sitt framlegg:

Innkalling og sakliste vert godkjent.

09.09.2015 KOMMUNESTYRET

Ordførar opplyste om at sak 72 vil verta handsama som siste sak, deretter vil saklista verta følgd.

Det ligg føre interpellasjon frå representanten Øyvind H. Oddekalv, Meland AP som ordførar vil svare på før handsaming av sak 72.

KS - 60/2015 VEDTAK:

Innkalling og sakliste med endra rekkefølge på saklista vert godkjent.

61/2015: Godkjenning av møtebok

Rådmannen sitt framlegg:

Møtebok frå møte 17.06.15 vert godkjent.

09.09.2015 KOMMUNESTYRET

KS - 61/2015 VEDTAK:

Møtebok frå møte 17.06.15 vert godkjent.

62/2015: Referatsaker

Rådmannen sitt framlegg:

Meldingane vert tekne til orientering.

09.09.2015 KOMMUNESTYRET

Følgjande saker vart tekne opp:

Øyvind Oddekalv: Har ordførar nye opplysningar i saka om Gudmundshomen.

Ordførar opplyste at kommunen har god dialig med kommunaldepartementet. Saka er ikkje avslutta, må ha fleire rundar. Intensjonen er å finne ei god løysing for alle partar.

Sølvi Knudsen:
Stauts Nyborgtunnelen.

Ordfører opplyste om at det fokus frå mange hald. Sak til kommunestyret 14. oktober. Ønskjer å invitere representantar frå fleire kommunar og frå Statens Vegvesen. Høyring i januar/februar.

Personal- og organisasjonssjef Kari Anne Iversen orienterte om beredskapsarbeidet i Meland kommune.

KS - 62/2015 VEDTAK:

Meldinga og orienteringane vert tekne til orientering.

63/2015: Orientering om status kommunestruktur

Rådmannen sitt framlegg:

09.09.2015 KOMMUNESTYRET

Rådmann Ingvild Hjelmtveit orienterte om innbyggjarundersøking:

450 personar vert oppringt - resultat ligg føre i oktober.

Fellessamling alle ungdomsråda i Nordhordlandskommunane.

Per Kristian Holmetun stilte spørsmål om tidspunkt for undersøkinga og kva resultatet skal brukast til. Det vart opplyst at det er ein overfladisk undersøking om kor opptatt folk i Nordhordland er av kommunestruktur.

KS - 63/2015 VEDTAK:

Orienteringane vert tekne til etterretning.

64/2015: Evaluering av Utval for levekår, Utval for drift og utvikling og Fellesrådet

Rådmannen sitt framlegg:

«Kommunestyret tar evaluering av utvala til orientering. Administrasjonen vert bedt om følgje opp dei punkta som er nemnde under vurderinga.»

09.09.2015 KOMMUNESTYRET

Framlegg til tilleggspunkt frå MDG, SAM og AP:

"Fellesrådet blir avvikla og Eldrerådet og Råd for menneske med nedsett funksjonsevne blir etablert."

Framlegg til tilleggspunkt frå Nils Marton Aadland, H:

"Administrasjonen blir beden om å utarbeide rutinar som sikrar at utvala får relevante saker til handsaming."

Avrøysting:

Rådmannen sitt framlegg til vedtak vart samrøystes vedteke.

Framlegg til tilleggspunkt frå MDG, SAM og AP vart samrøystes vedteke.

Framlegg til tilleggspunkt frå Nils Marton Aadland vart samrøystes vedteke.

KS - 64/2015 VEDTAK:

"Kommunestyret tar evaluering av utvala til orientering. Administrasjonen vert bedt om følgje opp dei punkta som er nemnde under vurderinga.

Fellesrådet blir avvikla og Eldrerådet og Råd for menneske med nedsett funksjonsevne blir etablert.

Administrasjonen blir beden om å utarbeide rutinar som sikrar at utvala får relevante saker til handsaming."

65/2015: Justering av satsane i arbeidsvilkår for folkevalde

Rådmannen sitt framlegg:

«Kommunestyret tilrår overfor påtroppande kommunestyre at satsane i *Arbeidsvilkår for folkevalde* vert justerte med 3%, avrunda oppover til næraste 50/100 kroner, jf. framlegg til justerte retningslinjer. Retningslinjene vert elles korrigererte i høve gjeldande politisk organisering.»

09.09.2015 KOMMUNESTYRET

Framlegg til endring frå Tormod Skurtveit, AP:

"Kommunestyret tilrår ovanfor påtroppande kommunestyre at satsane i Arbeidsvilkår for folkevalde vert vidareført på dagens gjeldande nivå."

Framlegg til tillegg frå Ragnar Bratland, H:

"For deltaking i årsmøte, generalforsamlingar eller som valgt utsending frå Meland kommune, er det ei godgjersle som for kommunestyremøter."

Avrøysting:

Framlegget frå Tormod Skurtveit fekk 17 røyster for, (5 AP, 4 SP, 3 krF, 2 SAM, 2 V, 1 MDG), 9 røyster mot, (6 H, 2 FrP, 1 Uavh), og er såleis vedteke.

Framlegget frå Ragnar Bratland fekk 23 røyster for, (6H, 5 AP, 4 Sp, 3 KrF, 2 FrP, 2 V, 1 Uavh), 3 røyster mot, (2 SAM, 1 MDG), og er såleis vedteke

KS - 65/2015 VEDTAK:

"Kommunestyret tilrår ovanfor påtroppande kommunestyre at satsane i Arbeidsvilkår for folkevalde vert vidareført på dagens gjeldande nivå.

For deltaking i årsmøte, generalforsamlingar eller som valgt utsending frå Meland kommune, er det ei godgjersle som for kommunestyremøter."

66/2015: Tilstandsrapport skuleåret 2014-15

Rådmannen sitt framlegg:

Tilstandsrapport for skuleåret 2014-15 leggjast fram for drøfting i Utval for levekår og i Kommunestyret jf. Opplæringslova § 13-10.

08.09.2015 UTVAL FOR LEVEKÅR

ULK - 43/2015 – FRAMLEGG TIL VEDTAK:

"Kommunestyret tar tilstandsrapporten for skuleåret 2014 – 2015 til orientering. Det er viktig at handlingsplanen har tydelege mål:

- Nullvisjon om mobbing i skulen
- Vidareføre målsetjingar frå prosjektet Betre læringsmiljø
- Klasseleiing
- Relasjonsbygging
- Reglar og konsekvensar
- Læringstrykk
- Betre resultat på nasjonale prøver i lesing – over fylkesnivå etter 2015
- Løfte fleire elevar over meistringsnivå 1 i lesing og rekning
- Utvikle gode prosessar for samarbeid og kompetanseheving
- Utarbeide strategiplan på realfaga i 2015-2016."

09.09.2015 KOMMUNESTYRET

Skulefagleg rådgjevar Reidun Johannessen orienterte.

KS - 66/2015 VEDTAK:

"Kommunestyret tar tilstandsrapporten for skuleåret 2014 – 2015 til orientering.
Det er viktig at handlingsplanen har tydelege mål:

- Nullvisjon om mobbing i skulen
- Vidareføre målsetjingar frå prosjektet Betre læringsmiljø
- Klasseleiing
- Relasjonsbygging
- Reglar og konsekvensar
- Læringstrykk
- Betre resultat på nasjonale prøver i lesing – over fylkesnivå etter 2015
- Løfte fleire elevar over meistringsnivå 1 i lesing og rekning
- Utvikle gode prosessar for samarbeid og kompetanseheving
- Utarbeide strategiplan på realfaga i 2015-2016."

67/2015: Godkjenning av revidert tenesteavtale 8 - (svangerskap- og fødselsomsorg) med Helse Bergen

Rådmannen sitt framlegg:

Kommunestyret godkjenner revidert tenesteavtale 8 slik denne ligg føre.

08.09.2015 UTVAL FOR LEVEKÅR

ULK - 44/2015 – FRAMLEGG TIL VEDTAK:

Kommunestyret godkjenner revidert tenesteavtale 8(svangerskap og fødselsomsorg) med Helse Bergen slik denne ligg føre.

09.09.2015 KOMMUNESTYRET

KS - 67/2015 VEDTAK:

Kommunestyret godkjenner revidert tenesteavtale 8(svangerskap og fødselsomsorg) med Helse Bergen slik denne ligg føre.

68/2015: Framlegg til endringar i takseringsreglar i samband med eigedomsskatt på verk og bruk

Rådmannen sitt framlegg:

Meland kommune går i mot framlegg til endring i takseringsreglane for eigedomsskatt slik dei er foreslått i høyringsbrev og høyringsnotat av 18. juni 2015.

26.08.2015 FORMANNSKAPET

Høyringsuttale frå KS vart delt ut i møtet.

Framlegg til tilleggspunkt frå Nils Marton Aadland, H:

"Dersom regjeringa likevel går vidare med lovsaka, rår Meland kommune sekundært til at det vert oppretta ein breitt samansett lovkomite for vidare utgreiing.

Meland kommune krev at kommunesektoren vert kompensert fullt ut for ei eventuell innskrenking i retten til å skrive ut eigedomsskatt, og at dette vert stadfesta og synleggjort i ei eventuell sak til Stortinget."

Avrøysting:

Rådmannen sitt framlegg til vedtak vart samrøystes vedteke.

Framlegget frå Nils Marton Aadland vart samrøystes vedteke.

FS - 97/2015 VEDTAK:

"Meland kommune går i mot framlegg til endring i takseringsreglane for eigedomsskatt slik dei er foreslått i høyringsbrev og høyringsnotat av 18. juni 2015.

Dersom regjeringa likevel går vidare med lovsaka, rår Meland kommune sekundært til at det vert oppretta ein breitt samansett lovkomite for vidare utgreiing.

Meland kommune krev at kommunesektoren vert kompensert fullt ut for ei eventuell innskrenking i retten til å skrive ut eigedomsskatt, og at dette vert stadfesta og synleggjort i ei eventuell sak til Stortinget."

09.09.2015 KOMMUNESTYRET

KS - 68/2015 VEDTAK:

"Meland kommune går i mot framlegg til endring i takseringsreglane for eigedomsskatt slik dei er foreslått i høyringsbrev og høyringsnotat av 18. juni 2015.

Dersom regjeringa likevel går vidare med lovsaka, rår Meland kommune sekundært til at det vert oppretta ein breitt samansett lovkomite for vidare utgreiing.

Meland kommune krev at kommunesektoren vert kompensert fullt ut for ei eventuell innskrenking i retten til å skrive ut eigedomsskatt, og at dette vert stadfesta og synleggjort i ei eventuell sak til Stortinget."

69/2015: Mogeleg samarbeidsmodell for framtidens brann og redningsteneste i bergensregionen

Rådmannen sitt framlegg:

Meland kommune stiller seg positive til tettare samarbeid innan brann- og redningstenesta i bergensregionen mellom sjølvstendige brann- og redningstenester.

Meland kommune er positive til at det vert sett i gang eit prosjekt for nærare utgreiingar og avklaringar knytt til samarbeidsavtale mellom kommunane, inkludert oppgåver og økonomi som grunnlag for samarbeidsavtale.

Endeleg samarbeidsavtale skal godkjennast av kommunestyret.

26.08.2015 FORMANNSKAPET

FS - 98/2015 VEDTAK:

"Meland kommune stiller seg positive til tettare samarbeid innan brann- og redningstenesta i bergensregionen mellom sjølvstendige brann- og redningstenester.

Meland kommune er positive til at det vert sett i gang eit prosjekt for nærare utgreiingar og avklaringar knytt til samarbeidsavtale mellom kommunane, inkludert oppgåver og økonomi som grunnlag for samarbeidsavtale.

Endeleg samarbeidsavtale skal godkjennast av kommunestyret."

09.09.2015 KOMMUNESTYRET

KS - 69/2015 VEDTAK:

"Meland kommune stiller seg positive til tettare samarbeid innan brann- og redningstenesta i bergensregionen mellom sjølvstendige brann- og redningstenester.

Meland kommune er positive til at det vert sett i gang eit prosjekt for nærare utgreiingar og avklaringar knytt til samarbeidsavtale mellom kommunane, inkludert oppgåver og økonomi som grunnlag for samarbeidsavtale.

Endeleg samarbeidsavtale skal godkjennast av kommunestyret."

70/2015: Regional plan for vassregion Hordaland 2016-2021 2.gongs høyring.

Rådmannen sitt framlegg:

«Kommunestyret meiner at den regionale planen for vassregion Hordaland gir eit godt innblikk i vasstilstanden i kommunens vassførekomstar og over framtidige utfordringar, jf. saksutgreiinga. Kommunestyret har ingen nye høyringsinnspel då Meland kommune har fått gjennomslag for å få utvida frist for enkelte av kommunens vassførekomstar.»

01.09.2015 UTVAL FOR DRIFT OG UTVIKLING

UDU - 56/2015 FRAMLEGG TIL VEDTAK:

«Kommunestyret meiner at den regionale planen for vassregion Hordaland gir eit godt innblikk i vasstilstanden i kommunens vassførekomstar og over framtidige utfordringar, jf. saksutgreiinga. Kommunestyret har ingen nye høyringsinnspel då Meland kommune har fått gjennomslag for å få utvida frist for enkelte av kommunens vassførekomstar.»

09.09.2015 KOMMUNESTYRET

KS - 70/2015 VEDTAK:

«Kommunestyret meiner at den regionale planen for vassregion Hordaland gir eit godt innblikk i vasstilstanden i kommunens vassførekomstar og over framtidige utfordringar, jf. saksutgreiinga. Kommunestyret har ingen nye høyringsinnspel då Meland kommune har fått gjennomslag for å få utvida frist for enkelte av kommunens vassførekomstar.»

71/2015: Utbygging Sagstad skule og Grasdal skule

Rådmannen sitt framlegg:

«Kommunestyret godkjenner at kostnadsramma for utbygging på Sagstad skule vert auka til kr 72,4 mill. Prosjektet vert finansiert med mva. refusjon på kr 12,9 mill og kr 59,5 mill i lånemidlar. Utbygginga på Grasdal skule vert utsatt i påvente av nye elevtalsprognoser. Det vert løyvd midlar til midlertidige moduler for å dekke arealbehovet til skulen. Modulane har ei kostnadsramme på kr 6,25 mill. Prosjektet vert finansiert med mva. refusjon på kr 1,25 mill og kr 5 mill i lånemidlar.»

26.08.2015 FORMANNSKAPET

Skriv frå FAU Grasdal skule og frå Klubben i Utdanningsforbundet v/Anita L. Askeland og Fagforbundet v/Gunn Torill Berge vart delte ut i møtet.

Framlegg til vedtak frå Nils Marton Aadland (H):

"Formannskapet bed rådmannen leggja fram sak i ekstramøte onsdag 2. september der følgjande ligg

til grunn.

1. Grasdalen og Sagstad skular skal byggjast ut i samsvar med tidlegare vedtatt tidsplan og utarbeidd forprosjekt for dei to skulane.
2. Rådmannen blir beden om å presentere moglege tiltak som kan redusere investeringskostnadane for dei to prosjekta.
3. Rådmannen blir beden om å leggja fram ei samla økonomisk konsekvensutgreiing for dei to skuleutbyggingane, og oversikt over andre investeringsprosjekt som kan utsetjast."

Avrøysting:

Framlegget frå Nils Marton Aadland vart samrøystes vedteke.

FS - 101/2015 VEDTAK:

"Formannskapet bed rådmannen leggja fram sak i ekstramøte onsdag 2. september der følgjande ligg til grunn.

1. Grasdalen og Sagstad skular skal byggjast ut i samsvar med tidlegare vedtatt tidsplan og utarbeidd forprosjekt for dei to skulane.
2. Rådmannen blir beden om å presentere moglege tiltak som kan redusere investeringskostnadane for dei to prosjekta.
3. Rådmannen blir beden om å leggja fram ei samla økonomisk konsekvensutgreiing for dei to skuleutbyggingane, og oversikt over andre investeringsprosjekt som kan utsetjast."

02.09.2015 FORMANNSKAPET

Økonomisjef Per Inge Olsen orienterte.

Nye opplysningar i saka og vedlegg vart delt ut i møtet.

Fellesframlegg i møtet:

1. Grasdalen og Sagstad skular skal byggjast ut i samsvar med tidlegare vedtatt tidsplan og utarbeidd forprosjekt for dei to skulane.
2. Investeringsramma vert auka med 28 mill.kroner.
3. Andre vedtekne investeringar i økonomiplanperioden minus investeringar til sjølvkost, blir utsett fram til budsjett for 2016 er vedteke.

Avrøysting:

Fellesframlegget i møtet vart samrøystes vedteke.

FS - 107/2015 VEDTAK:

1. Grasdal og Sagstad skular skal byggjast ut i samsvar med tidlegare vedtatt tidsplan og utarbeidd forprosjekt for dei to skulane.
2. Investeringsramma vert auka med 28 mill.kroner.
3. Andre vedtekne investeringar i økonomiplanperioden minus ivesteringar til sjølvkost, blir utsett fram til budsjett for 2016 er vedteke.

09.09.2015 KOMMUNESTYRET

KS - 71/2015 VEDTAK:

1. Grasdal og Sagstad skular skal byggjast ut i samsvar med tidlegare vedtatt tidsplan og utarbeidd forprosjekt for dei to skulane.
2. Investeringsramma vert auka med 28 mill.kroner.
3. Andre vedtekne investeringar i økonomiplanperioden minus ivesteringar til sjølvkost, blir utsett fram til budsjett for 2016 er vedteke

72/2015: Erstatningskrav

Rådmannen sitt framlegg:

Formannskapet aviser erstatningskravet, slik dette ligg føre i saka. Formannskapet ber administrasjonen, med bistand frå kommunen sin advokat, om å søkje å komme fram til ei minneleg økonomisk ordning. Ei eventuell løyvingssak må leggjast fram for politisk mynde til avgjerd.

24.06.2015 FORMANNSKAPET

Fellesframlegg til vedtak:

Kommunestyret aksepterer erstatningskravet i henhold til oppstilling av kostnader som er beskrevet i brev fra advokatfirmaet Steenstrup Stordrange DA datert 29. januar 2015.

Dette inkluderer uspesifiserte kostnader på kr 50 000,-.

Kommunestyret ber administrasjonen avslutte saken så snart som mulig.

Avrøysting:

Fellesframlegget vart samrøystes vedteke.

FS - 86/2015 VEDTAK:

Kommunestyret aksepterer erstatningskravet i henhold til oppstilling av kostnader som er beskrevet i brev fra advokatfirmaet Steenstrup Stordrange DA datert 29. januar 2015.

Dette inkluderer uspesifiserte kostnader på kr 50 000,-.

Kommunestyret ber administrasjonen avslutte saken så snart som mulig.

09.09.2015 KOMMUNESTYRET

Åshild Aamli fremja administrasjon sitt framlegg til vedtak:

Kommunestyret avviser erstatningskravet, slik dette ligg føre i saka. Kommunestyret ber administrasjonen, med bistand frå kommunen sin advokat, om å søkje å komme fram til ei minneleg økonomisk ordning. Ei eventuell løyvingssak må leggjast fram for politisk mynde til avgjerd.

Avrøysting:

Framlegg til vedtak frå Åshild Aamli fekk 4 røyster for, (2 SAM, 1 MDG, 1 Uavh), 22 røyster mot, og fall.

Framlegget frå formannskapet fekk 22 røyster for, (6 H, 5 AP, 4 SP, 3 KrF, 2 FrP, 2 V), 4 røyster mot, og er såleis vedteke.

KS - 72/2015 VEDTAK:

Kommunestyret aksepterer erstatningskravet i henhold til oppstilling av kostnader som er beskrevet i brev fra advokatfirmaet Steenstrup Stordrange DA datert 29. januar 2015.

Dette inkluderer uspesifiserte kostnader på kr 50 000,-.

Kommunestyret ber administrasjonen avslutte saken så snart som mulig.

73/2015: Interpellasjon - Nei til auka bruk av midlertidige tilsette

Rådmannen sitt framlegg:

09.09.2015 KOMMUNESTYRET

Det ligg føre interpellasjon frå Øyvind Oddekalv, Meland AP, som ordførar vil svara i slutten av møtet.

NEI til auka bruk av midlertidige tilsette

1. juli 2015 vart fleire endringar i arbeidsmiljølova (AML) iverksett. Til tross for at ei samla fagrørsløse har vore mot endringane valde likevel den blå-blå regjeringa å presse gjennom til dels dramatiske endringar. Verken LO, YS eller Unio var inkluderte i prosessen, noko som må karakteriserast som historisk uvanleg og kunnskapslaust frå regjeringa.

Dei viktigaste endringane er: fleire midlertidige tilsette, billigare å bruke vikarar enn å ha faste tilsette, dårlegare arbeidstider og fjerning av tiltak mot sosial dumping. Endringane i AML er først og fremst ei samling tiltak som har flytta makt frå arbeidstakarar til arbeidsgivar og som vil gi den useriøse delen av arbeidslivet større boltreplass. AML er ei vernelov og har sidan den blei innført medført stadig betre arbeidsvilkår for arbeidstakarane. Med dei nye endringane er det vedtatt reelle innskjerpingar i arbeidstakarane sine rettar. Dette er nye tonar og, sjølv om det er oppsiktvekkande, gjerne noko vi må forvente frå den blå-blå regjeringa.

Når det gjeld endringane i § 14-9 om midlertidige tilsetjingar blir det no opna for at inntil 15 % av arbeidsstokken kan vere midlertidig tilsett utan særskilt grunngeving. Dette er å angripe fundamentet i eit organisert arbeidsliv, som er grunnlaget for tryggleik og verdigheit for arbeidsfolk. Konsekvensen blir at nyttilsette kan få svekka rettar og mindre mulegheiter til å stille krav om eit godt arbeidsmiljø. **Meland AP ønskjer ikkje eit A- og eit B-lag i norsk arbeidsliv.** Som midlertidig tilsett blir det vanskelegare å planlegge for framtida, sidan det er arbeidsgjevar som avgjer lengda på arbeidsavtalen. Dette kan gjere det vanskelegare å få boliglån i banken og Arbeidstilsynet påpeika i ein uttale at (det som då var) framlegg til avtale i ytterste konsekvens kan føre til meir sjukdom, stress og ulukker.

Meland AP ønskjer ikkje at Meland kommune skal bli ein arbeidsgjevar som opnar for større bruk av midlertidig tilsette. Dersom vi ser til utviklinga i Sverige så har meir liberale reglar ført til dobbelt så mange midlertidige tilsette og ein ungdomsledigheit som er svært høg.

Framlegg til vedtak:

Meland kommune skal framleis vere ein ansvarleg og seriøs arbeidsgjevar, der trygg eldreomsorg, gode skolar og elles gode kommunale tenester for innbyggjarane har hovudprioritet. Til dette treng vi tilsette som opplever tryggleik og stabilitet, noko ein ikkje oppnår gjennom auka bruk av midlertidige tilsette.

På denne bakgrunnen vil ikkje Meland kommune bruke mulegheita til auka bruk av midlertidig tilsette (jf. § 14-9 f), men halde fram med praksis slik den var før endringa i arbeidsmiljølova 1. juli 2015.

Frekhaug, 28.8.2015

Øyvind H Oddekalv
representant, Meland AP

SVAR PÅ INTERPELLASJON FRÅ REPRESENTANTEN ØYVIND ODDEKALV (AP)

Målet med endringane i lovverket er gjort for å opna arbeidslivet for fleire personar – ikkje færre. Det meiner eg er eit framsteg, ikkje minst for arbeidssøkjande ungdom.

Det blir også bekrefta i ei undersøking som er gjort av NHO, der nær 60 prosent av bedriftene svarte at dei vil tilsette fleire dersom lova opnafor enklare adgang til midlertidig tilsetting.

Det er nok spesielt mindre bedrifter og gründerverksemder som vil ha glede av dei nye reglane.

Midlertidig tilsetting kan også vere eit viktig springbrett inn i arbeidslivet for unge og andre grupper som står utanfor. For å hindre misbruk av de nye reglane er det innført ein karanteneperiode for tilsetting av nye midlertidige, og ei avgrensing på kor stor del midlertidig tilsette ei bedrift kan ha.

Eg har observert at ikkje minst personar som arbeider for å få ungdom inn i arbeidslivet – mellom anna Eddie Eidsvåg, som driv «Pøbelprosjektet», kan opplyse at stadig fleire ungdommar no får fast jobb etter å ha vore midlertidig tilsett. Det er positivt.

Så vil eg slå fast og presisere følgjande: Meland skal vere ein god og ansvarleg arbeidsgivar. Det inneber mellom anna vi følgjer det lovverket vi har.

Vi kan ikkje koma i ein situasjon der kvar gang vi måtte vere ueinig i lovverket vel å halda oss til ei tidlegare lov eller noko anna vi måtte lika betre. Det er mitt utgangspunkt – også i denne saka. Difor vil eg ikkje støtta framlegget til vedtak som ligg i bordet.

Frekhaug 09.09.2015
Nils Marton Aadland
Ordfører

Framlegg til vedtak:

«Saka vert oversendt Administrasjonsutvalet for uttale og vidaresendt kommunestyret for handsaming 14. oktober.»

Avrøysting:

Dette framlegget vart samrøystes vedteke.

KS - 73/2015 VEDTAK:

«Saka vert oversendt Administrasjonsutvalet for uttale og vidaresendt kommunestyret for handsaming 14. oktober.»
